

**OPTIEK**  
Oranjestad  
San Nicolas



**Spritzer Fuhrmann**

Uw kinderen  
groeten beter met  
**DOMO MELK**  
agente:  
**Veld Stores**

Dagblad



voor Aruba

A refreshing drink

7-Up.....

agents:

**Veld Stores**



The Beer That  
Made Milwaukee Famous

## Projecto Di Aruba Beach Club N.V. Ta Corre Peliger Di Fracasa? Dos Comisario Local A Tuma Nan Retiro. Cuanto placa a worde deposita realmente?

ORANJESTAD: — Algun dia eba ta corre rumor tocante situacion di Aruba Beach Club N.V., e proyecto cu a treste e dos Americano senjores Asen y Olsen na Aruba; na fin dje siman aki cu retiro di dos comisario local, senjores L. Berlinski y E. Bartels, e asunto ta den boca di tur hende. Di ambos banda nan ta duna declaracion y comunicado y e resultado na fin ta keda mes bruba. Un cos sin embargo ta keda masha na claridad, ta e punto cu e proyecto atractivo aki ta corre peliger serio di bira un fracaso.

**Declaracion di Berlinski y Bartels.**  
Senjores Berlinski y Bartels, kende a suplica mr. P. Tuin pa papia pa nan, ta declara nan retiro como siguiente:

„Pa motibo, cu estatuto di Aruba Beach Club N.V. ta duna comisario nan poco oportunidad pa controla directiva, na unda e comisario nan no ta capaz di por defende accionistanan, y pa motibo cu comisario nan, apesar cu nan a pidi varios biaha no ta hanja mas informacion tocante situacion finacial, e comisario nan ta opina di tuma nan retiro”, esaki ta segun e declaracion.

**Opinion di Asen**  
Den un comunicado senjor I. Howard Asen, kende nos por bisa ta e promotor dje proyecto aki, ta splica cu nan ta haci tur loke ta posibel pa defende interes dje accionistanan y no solamente di nan, pero tambe di henter comunidad, pasobra esaki ta un proyecto di gran interes pa desarrollo di turismo pa Aruba. Ta duel e, cu e dos comisario nan a tuma nan retiro, pero e ta culpa tur esaki pa motibo di un mal comprendimento. Nan (esta e comisario nan) tin derecho di controla e boekinan un bes pa anja (riba 31 di December), pero apesar dje convenio aki senjor Asen, segun su declaracionnan, semper a duna tur su cooperacion. E ta continua, cu splicando cu foi na principio senjor R. Wittkowski ta tene e boekinan dje negoshi y segun su declaracion oficial (pa medio di Juli) cu posicion di caha

ta den bon condicion, te hasta placa privado e la deposita den caha. Dia cu e comisario nan di repente kier a mira e boekinan aki, y net sr. Asen ta saliendo pa Caracas, e la duna orde na sr. Wittkowski pa duna nan tur informacion cu nan tin mester.

Senjor Asen ta sigui cu su declaracion, cu apesar cu estatuto nan ta permiti pa haci uso di un total di 20% di medianan (di compra di accionnan) pa „gestunan administrativo”, e porcentahe usa unicamente ta 11%. Senjor Asen ta pensa tambe, cu motibo di retiro dje comisario nan, ta pa asuntunan personal, cu nomber senjor Bartels, esaki segun senjor Asen. E ta termina cu bisando cu senjor Olsen cu a caba di jega di Estados Unidos a treste documento cu ta na orde pa tur hende por tira un basta aden. Senjor Asen actualmente ta sperando algun detalles foi Estados Unidos, y si te na fin di luna nan no a jega e mes ta bai Estados Unidos pa busca nan. Esaki ta segun declaracionnan di senjor Asen.

**Inexacto**  
Probablemente e dos declaracionnan aki ta pasa banda di otro. Senjores Berlinski y Bartels a pidi informacionnan, si nos ta worde bon informados, tocante situacion na Estados Unidos, senjor Asen ta duna nan tocante Aruba, Esaki ta dos cos henteramente distinto.  
Ademas ta bon pa indica, cu apesar cu senjor Asen a declara cu ta senjor Wittkowski foi principio ta e

tencedor di boeki pa Aruba Beach Club; senjor Wittkowski mes ta contradic esaki pertinente. E ta duna nos e declaracion cu unicamente e a traha un „statement” pa medio di Juli riba peticion special di senjor Asen. Mas aleu e no a jega.

**\$ 69.300.— cash y servicio**

Segun e acto di constitucion di 1957 e capital di Aruba Beach Club N.V. tabata \$60.000.— di cual worde depono \$12.000.— senjor Asen y Olson pareu. Anto nan a bai proyecta y averigua y ta jega na e conclusion, cu sesenta mil dollar ta poco y den cambiamentu di estatu di Mei dje anja aki e capital a worde aumentata te na \$ 340.000.— Segun estatuto

actualmente tin deposita \$71.300.— pa senjores Asen y Olsen; tambe di algun otro heade na Estados Unidos cu a inverti placa aden. Segun e actanan segun reunion di accionistanan na luna di April — na unda cambio dje estatuto ta basa, e placa deposita ta \$60.300.— plus un diferencia di \$ 2.000.— segun declaracion di senjor Asen „un ekivocacion di notario”.  
Despues cu senjor Asen a jega Aruba na luna di April dje anja aki, e la cuminsa traha pa hanja mas capital di accion. Te awor capital local segun un lista cu nos a mira, ta fl. 18.720.— di cual ta paga fl. 6.518.40, asina cu asina cu accionistanan local mester paga ainda e suma di fl. 12.201.60. Accionistanan local a deposita anto un total di 30%.

**E chikitanan**  
Nos opinion ta, cu dificultadnan dje comisario nan no ta asina tanto tocante situacion na Aruba, sino tocante situacion na Estados Unidos. „Cuanto cash e N.V. tin na Estados Unidos?” nan lo a puntra. Nan sa cu poco placa dje \$69.300.— a worde gasta pa motibo di „servicionan presigil lesa riba pag. 2

AIR CONDITIONING

## Estrella a ripiti victoria ariba Dakota derrotando esakinan cu 3-2

(Di nos sportreporter)  
ORANJESTAD: — E team persistente di camisa oranje, Estrella un biaha mas a muestra verdadero fighting spirit durante henter e yega, local a hiba nan na victoria pa segunda vez contra los amarillos di Dakota.

E partido a cuminsa bao direccion di e arbitro Figueroa, y ya despues di siete minutu Candido Wernet di Estrella, a anota e promer gol pa hiba su team ariba cu uno-cero. Los amarillos no a tarda mucho pa empatia esaki, ya cu dos minutu despues, nuebe minutu di partido Dudu Adonis, ta anota pa Dakota pa trece e partido na e empatie. Despues di mei hora di partido, varios di e dakotencionnan a lanza protesta ariba e varios sentencia di e arbitro. Di otro banda nos por a mira e bon disciplina di Estrella cu ningun momento a protesta ningun falta contra nan, y a usa nan sistema den concentra ariba e cuero en vez di e arbitro.

Cierito ta cu e arbitro den un dato momento a falla den sentencia algun sugada tanto contra Estrella como de lo contrario contra Dakota. Pero tumando en consideracion cu nos tur ta humano, y muy probablemente varios di e fallonan aki no a ser mira.

Dakota ta bai ariba ora cu Juancho Kelly ta coloca e cuero den net di Estrella cu un bunita cabezazo despues di 38 minutu di e promer etapa. E promer mitar ta yega y Dakota ta ariba cu dos gol contra uno.

Den e segundo etapa despues di nuebe minutu Estrella su hungador Odulio Geerman ta anota pa trece e partido na dos pa dos. Desesperadamente los amarillos di Dakota cuminsa busca e gol di victoria, pero Estrella manera semper cu e credito di ta un team luchador, cu ta considerando cada minutu di importancia, y ta semper persistente tras di e cuero a muestra mas interes pa e gol di victoria cu e dakotencionnan, ya cu nan

fighting spirit tabata mas eleva. Faltando tres minutu pa e partido yega na final, e bala ta yega na e guardameta di Dakota kende ta hasi un sake cu ta pifia, y e rechtsbuiten camisa oranje no a vacila y coloca e cuero den skina pa hiba su team ariba cu tres pa dos.

Estrella cu e victoria aki a pasa ocupa e segundo lugar di e estadistica cu seis puntos, mientras cu 9ruba Jrs. ta marcha comodamente na promer lugar cu diez puntos.

## Celebracion di „Dia di Corsow” na Aruba

Diabasa anochi den Lago Heights Club na San Nicolas „Dia di Corsow” a worde celebra y tabatin masha hopi hende presente. Entre otro nos ta mira Tjild, Gezaghbeber E. Arends y deputado E. O. Petronia. Tabatin varios orador y tabatin presentacion di varios artista. Di Corsow te hasta algun artista conosi a hiba espiet pa e ocasion aki na Aruba.

## Te ainda nan no a hanja „Zeeman”

ORANJESTAD. — Segun ultimo noticianan te ainda nan no a hanja nada di „Zeeman” e boto di piscador sin number, cual nan ta hanja su falta cu tres heade abordo foi Dialuna anochi.

## Diploma pa Ingles L.O.

Iabieme cinco candidato dje seisnan a hanja nan diploma pa akte di Ingles L.O. Nan nomber ta senjorita V. Paul, V. Veerman, E. V. N. van Wegberg y senjores E.E.P. Verwooy y J.H.M. Martens.

## Watervoorzieningsdienst den districtonan pafor

ORANJESTAD. — Awor cu e planta nobo a cuminsa cu su produccion, masha hopi peticion tin pa coneccion di awa. Mas di 250 heade a pidi awa. Naturalmente nan no a hanja ainda, pero tubonan principal a worde pasa hopi caminda. Bala-hi, Santa Cruz y Paradera y Salinja. Cerca, y nan ta ocupa actualmente na Seroc Piet, Ayo, Mahuma, Babali y Brinea Mosa. Cu tur e casnan na unda a worde pidi awa, no a hanja nan coneccion ainda ta motibo cu ta falta tubonan di paden y coneccionnan entre tubonan mayor pa e casnan, eiki segun informacion cu nos ta hanja.

FATUM — Tel.: 1845  
Pa tur bo aseguronan

## Na unda truck di pelicula ta bai e siman aki?


ORANJESTAD. — E truck di pelicula pa combati mal uso di alcohol lo duna siguiente presentacion na siguiente lugarnan.

Dialuna 28 di Juli 1958, Pos A-bao.

Diabazon 30 di Juli, Ayo.  
Diabierne 1 Aug. 1958, Piedra Plat.  
Tur e presentacionnan ta cuminsa pa 19.30 y lo dura un ora mas o menos.



Un lista durante ceremoni di inauguracion dje planta nobo di awa na Balashi na unda S. U. Ministro J. E. Yrausquin ta hasiendo su speech.



Aki ta e momento na unda deputado ta suplica e promotor dje proyecto grandi di awa, pa primi e boton pa pone e fuente spuit awa. Nos ta mira S. E. Ministro J. E. Yrausquin den accion



Symbolo di ponementu dje planta di awa den uso oficialmente. Un fuente di awa ta spuit 25 straal tras di 50 meter den halto. Berdaderamente un bunita bista.



Den cuarto di control tabata jen di invitadonan, gosado di e sabroso refresco cu nan a worde brinda.

**CINE**  
AWE NOCHI  
28. DI JULI

---

**DE VEER THEATER**  
Tur edad  
Fls. 1.75

„THE BRAVE ONE”  
cu: Michael Ray  
— El Niño y el Tolo —  
Un storia di aventura i di amor

---

**RIALTO**  
Tur edad  
Fls. 0.50

„AQUI ESTAN LOS AGUILARES”  
den tricolor  
cu: Luis Aguilar — Tony Aguilar — Rosa de Castilla —  
Luey Gallardo — Barola — Chicote  
Aventura di dos hende poco grof cu a bai Mexico

---

**PRINCIPAL**  
18 anja  
Fls. 1.00

„SLIGHTY SCARLET”  
cu: John Payne — Arlene Dahl — Rhonda Fleming

---

**AURORA**  
18 anja  
Fls. 1.00

„KONGA ROJA”  
cu: Maria Antonieta Pons — Pedro Armendariz — Carlos Lopez Montezuma  
Un grandioso desfile di cantante Mexicano cu Tonia La Negra

---

**SAVANETA**  
18 anja  
Fls. 0.75

„LA NOCHE ES NUESTRA”  
cu: Jorge Mistral — Ramon Gay — Cesar del Campo — Los Churrumbeles  
Pedro Vargas — Los 3 Diamantes — Tonia La Negra — Ana Maria Gonzalez — Gloria Mestre — Orquesta Ana-Gonzalez

## Bo ta kere?

— Con a para bo cu bo casa? un terechi a puntra su amigo, despues di un disgusto enorme entre esel y su esposa.  
— Manera custumbra, el a bini na rudia serca mi atrobe.  
— Con bo di? e amigo a puntra bon strana, pasobra ta conoci cu semper ta e muher sa sal completamente victorioso den dje enuentronan ei.  
— Wel, e terechi a contesta, Anna mester a cal na rudia pe por a saca mi for di hao dje cama y pe la blisa mi: Sal for dje huo tur coharda.

## Planta Di Awa Nobo Oficialmente Poni Den Uso Pa Ministro Yrausquin

Ayera tardi e planta di awa nobo na Balashi hopi dorna en handeranan a worde poni den uso oficialmente. Dia cu e ta completamente termina, e ta e proyecto di mas grandi di mundo den su sorto. Tabatin un enorme multitud di hende, mas di 3000 te 4000 hende di tur parti di nos isla a hiba pa no perde nada dje momento grandi aki. Hopi interes tabatin di banda di publico, pero poco interes di envitadonan, segun stoelnan en e worde reserva nan a conta en 350 invitado, no mas en 150 tabata presente. Tanto stoel bashi parti paden, rondona di e multitud grandi di hendenan pafor ta duna un impresion poco raro.

Pa cinco or Excelsior Brass Band di senjor Samuel Muller ta stop di toca y maestro di ceremonia Nicolas Pifa ta prome orador, cu ta duna palabra na tijl. Gezaghbeber E. Arends. Tres hende a papia na tur. despues di senjor E. Arends, deputado Oscar Henriquez y despues Ministro J. E.

te ta conecta cu pitamento di sirena esaki ta sosed. Un fuente enorme tabata spuit mas di 25 stral di awa cla den laria na tur banda, naturalmente un bunita bista. Ningun hende a muha, pasobra biento a manda tur awa lapijan. Cu tocamiento di Wilhelmus e ceremonia ta worde termina.  
Invitadonan ta bai den cas di control dje fabrica di awa, na unda un refresco ta spera nan, e miles di hendenan ta bai na e barak di oficina di Singmaster & Breyer, na unda tabatin baril jen di cerbes friu ta spera nan.  
Interesante tabata e noticia cu nos ta hanja tende, en tambe e di dos unidat ta funcionando foi Dialuebs pasa, y mes ora sin ningun defecto.

Despedida di wnd. commissaris Stuvell



Diasabra mainta den politiecañtina na Oranjestad a worde tuma despedida di wnd. commissaris di poli: D. Stuvell, kende ta salí pa Hulanda dia 2 di Augustus. Wnd. Hoofdcornmissaris Botterweg di Corsow tabata na Aruba specialmente pa e ocasion aki y ta entrega senior Stuvell un regalo den number di oficialnan di polisnan y nan esposanan na Corsow. Esaki ta e momento cu nos ta mira riba e portret.

Proyecto di Aruba Beach Club.....

Continuacion di pagina 1. Awor loke nan kier hanja sa ta cuanto parti cash tin y cuanto parti na servicio. Cu otro palabrita di cuanto dollar e Sociedad Anonima ta dispone. Y riba esaki senior Ason no por duna contestacion. Diasabra mainta nos ta bacia e mes un pregunta, y e ta bisa nos cu esaki e no por contesta nos, pasobra e no tabatin e detallenan, pero cu e ta warda nan na fin di luna for Estados Unidos, y si nan no jega na fin di luna e mes ta bai busca nan. Nos ta di opinion tambe, cu esaki ta e motibo principal cu senior Berlinski y Bartels a tuma nan retiro. Nan no ta hanja posibel y responsabel pa keda cubri un sociedad asina cu nan number. Pues dje 18.000.— florin local bendi na accion, mayormente ta placa di e herende "chikitunan" cu a spar nan cent, y nan a deposita nan placa naturalmente contando riba e probabilidadnan dje proyecto mes, pero tambe nan ta confia riba senior Berlinski y Bartels, dos figuras respecta di nos isla.

no ta duna dificultad pa entrega) e fecha di 12 di September no por worde mantene tampoco. Seis luna despues di entrega dje tereno completo, kier decir inclusivo e repi dje tereno cu ta falta, e mester cuminsa cu construccion dje club. Gobierno no ta di acuerdo cu esaki, segun nos ta worde informa. Nan ta bisa cu e repi tereno cu ta falta no ta baci ningun diferencia pa por cuminsa cu e construccion dje edificio principal y cu senior Ason mester cumpli cu e fecha di 12 di September.

Resume

Haciendo un resume e situacion ta keda como lo siguiente: Senjores Berlinski y Bartels a tuma nan retiro, pasobra nan no por hanja satisfaccion tocante e capital cu a worde deposita. E situacion di caha di e sociedad anonima probablemente no ta suficiente pa cuminsa cu confianza cu construccion dia 12 di September. Posible cu senior Ason a keda su mes cu probable inversion di Antillas y paisnan vecindario. Senior Ason en cambio definitivamente tin intencion di sigui cu e proyecto y ta convenci cu e lo hanja e placa hunta cu e mester. Ademas a bai na partner mas acerca den forma di senior Camen, aates un donjo di restaurant na New York y ultimo mester anja ta biba na Miami. Con e asunto aki lo sigui revela su mes na e momento aki ta poco trabaho pa bisa, Masha cla e asunto no ta te ainda, posibel cu denter di algun dia lo tin mas claridad, sin ningun dificultad, nos ta spera.

Langs deze weg willen wij gaarne dank zeggen aan allen die blijk gaven van hun belangstelling tijdens ons zilveren huwelijksfeest op 13 Juli 1958.

- De Heer en Mevrouw P. C. de LANGE-ORMAN Kinderen: CLAVE, ADNA, LIVIA, IDA, NALDO, MAGNA, LUCIA, ITA, RINA, EDY, NEL, ILVA.

Aruba, 28 Juli 1958

KNSM shipping advertisement. Includes a large illustration of a steamship and text listing routes: OBERON, 31 juli '58 van New York; PRINS DER NEDERLANDEN, 2 aug. van Cartagena; ISI, 3 augustus '58 van Amsterdam; MARIYA, 3 augustus '58 van New Orleans; VIRGILIA, 7 aug. '59 van New York; JASON, 9 aug. '58 van Amsterdam. Also includes contact information for KNSM offices in Oranjestad and San Nicolas.



Géén bewegende, slijtende delen...

IN DE GRANDIOZE PARKER 61 BEWEEGT ALLEEN DE INKT!

De Parker 61 functioneert uniek-eenvoudig. Hij heeft géén bewegende, slijtende delen... er is niets in te drukken, uit te trekken of te draaien. Zelfs wanneer hij zichzelf via zijn capillaire zuigbuis vult, beweegt alleen de inkt! De Parker 61 heeft een onbegrensde levensduur en dient U trouw.

Bovendien blijft de Parker 61 steeds vlekkeloos schoon - hij heeft een inkt-afstotend oppervlak - en lekken is praktisch uitgesloten. De exclusieve Parker Electro Polished penpunt verzekert een steeds gaaf, steeds soepel schrift. Ondanks de vele wonderde eigenschappen van deze totaal nieuwe vulpen... zie en probeer hem bij Uw winkelier.

DE NIEUWE Parker 61 Voor een maximum plezier van Uw Parker 61, altijd Parker Quink gebruiken! PALAIS ROYAL ARUBA N.V.

REMITIDO Informacion pa pueblo Antillano (No. 1)

Un exigencia imposibel

(Fuera responsabilidad di Red.) Ora e Statuut cu ta regla tur cos tocante di es relacionnan entre Holanda, Surinam y Antillas a bini cla, nos tur tabata contentu. Tabata tempo y mas cu tempo pa nos hanja autonomia y derecho di papia mas grandi ainda den nos asuntunan interno. Nos tabata masha contentu cu Statuut tabata bisa cu DERECHONAN HUMANO FUNDAMENTAL ta un asunto di reinado. Esta un asunto cu ta toca reinado henter. Pasobra nos ta den cercania di un continente unda tin hopi pais cu tin un gobierno dictatorial (sea dictadura di UN PERSONA of di UN PARTIDO) y unda es valoman haltu humano no ta worde respecta, tabata masha justo di pone garantia cu gobierno di Antillas tambe respecta derechonan humano y seguridad di derecho. Pesei NOS TUR tabata contentu cu es asunto nan aqui a queda asunto di reinado.

E articulo aqul ta principio di un serie di publicacionnan cu lo aparece den Arubaanse Courant y cu nos a ricibi di un Comité cu a worde forma for di e partidoman di oposicion, cu a titula su mes como "Comité pa duna informacion na Pueblo Antillano". E idea ta di duna informacion tocante di e significado y importancia dje eleccionnan prescribi pa Gobierno pa un colegio nobo di Staten, cu lo tuma lugar dia prome di September awor.

no, evidentemente pasobra es jueznan no a mustra un sentencia cu ta agradabel pa nan. Asunto-De Wit a mustra cu gobierno actual no quier mantene libertad di prensa. Asunto-Croes ta mustra cu pa gobierno no tur hende ta igual pa ley. Pesei es regla bendiciona cu ta bisa "ley pa un ley pa tur", a worde cambia pa es senior nan na un otro regla: "ley di trechter, hancu pa mi delega pa bo. Pesei tin hende di tur partido cu a comete fout y ora nan a parce di laiti di juez y partidoman no a halza nan hoz en contra di justicia, pasobra nan tabata respecta e "ley pa un ley pa tur", maske cuanto es asunto lo por tabata pena nan.

Statuut ta un ley cu mester worde ejecuta, aplica y interpreta. Y unda es interpretacion, eleccion y aplicacion aqul mester aserba pa hende bibo, semper tin posibilidad di diferencia di opinion. Statuut mes a weita cu ta es posibilidad aqul y a pogo un reglamento pa ora tin diferencia di opinion, ora por worde solucioná. Pero nos no sabi di ningun decision tuma den un conflicto entre es dos gobiernonan pa es INSTANCIA CU LEY TA BISA. Ta paquico anto ta bisa cu tin conflicto sin quier hiba nan caminda mester hiba nan pa un decision y spera resultado di es decision? Ministro-President ta sigui: "Ta pesi no tabata di asombra cu nos representanten di pueblo, esta Staten a realisá gravedad di es situacion y den un mocion acepta dia 24 di juni 1958 a duna di conoce cu cambianan den estatuto y otro ley nan di reinado lo mester ser trece pa proteha autonomia di Antillas."

Nos anotacion cerca e pida aqul ta lo siguiente: Nos ta puntra: Con representacion di pueblo (Staten) a ser concenchi di seriedad di es situacion? Unda y, qui dia Staten a realisá datonan riba es conflictonan aqul? NUNCA GOBIERNO NO A BISA STATEN NADA TOCANTE DI ES CONFLICTONAN AQUI. Solamente un dia gobierno a contesta preguntanan riba expulsacion di Senior De Wit, pero na es ocasion aqul nada a worde bisa tocante conflicto cu gobierno di reinado. Awor nos no sabi si gobierno a tene e grupo den Staten cu ta sostené gobierno na altura. PERÓ NO TA NAN SOL TA REPRESENTA PUEBLO SINO HENTER STATEN, ESTA MIEMBROMAN DI OPOSICION TAMBE, PASOBA SI NO TA ASINA, NO TA DEMOCRACIA. Durante tratamentu den Staten di mocion-Bikker pa disolve Staten REPRESENTANTEN DI PARTIDONAN CU TA SOSTENE GOBIERNO A SABOTEAR TUR LO QUE MIEMBROMAN DI OPOSICION A PROPONE PA REPRESENTACION DI PUEBLO HANJA SABI TA DEN QUICO ES CONFLICTO TABATA CONSISTI. GOBIERNO MES NO A HANJA CU TABATA BAL LA PENA PA TA PRESENTE NA TRATAMIENTU DI ES MOCION-BIKKER PA DISOLVE STATEN. TUR COS TABATA GERONKEL DI ANTEMANO ANTO? Ora Minister-President a papia na radio pa pueblo di Antillas tampona el a bisa ta quico es conflicto ta. El a sigui su speech asina: "Na mes momento nos representacion di pueblo a expresa deseo, di duna pueblo di Antillas mes, ocasion pa duna su opinion tocante es asunto importante aki, mas pronto posibel door di un discusion aqul y eleccionnan prome cu tempo. Y e ta termina su discurso, asina:

Cartoon titled 'Dennis, de Schrik van de Buurt'. It shows two children talking. One says, 'Ik ben een-en-twintig, drie-en-twintig, een-en-twintig. Hoe oud ben je?' The other replies, 'Mi tin binti-un, binti-tres, banti-un. Cuanto anja abo tin?' The cartoon is signed '© 1958 by H. J. Schreier'.

Washington 27/7: Segun informacionnan preliminar, e distancia di e luna satellite nobo, koe e merricanonan a lanza aqura, ta varda di 300 te 2000 kilometer for di globo. Ta calcula, koe e lo queda 5 anja den su orbita. Su velocidad ta 22.000 te 28.000 km pa ora. E ta circula golo den 112 minuut. Pa medio di un telescoop e por worde observa eventualmente na Corsow, Hawaii y quizas Peru. E satellite ta bisa mas o menos 17.23 kilo. E ta e satellite mas pisa, koe e merricanonan a lanza te ainda. El a worde lanza pa medio di un proyectil di tipo "Jupiter-C" di ehercita merricano. Actualmente e circula cuater luna artificial rond di globo, esta tres merricano y un di Rusia. E ultimo aki tin dimensionnan gigantesco compara koe esnan merricano.

AGENDA section listing various events and programs for Monday, July 28, 1958. Includes radio programs like 'MUSICA VARIA', 'LUNCHMUSIEK', and 'NIEUWSBERICHTEN'. Also lists 'NACHT EN ZONDAGDIENST' and 'APOTHEKEN'.

... MESKER ...

Compatriotanano sincero cu huntu cu esnan naci na Surinam of na Holanda ta forma pueblo di Antillas, a worde lo hanja e ocasion pa decidi riba 12 di September si e cambio den Statuut cu gobierno quier realisá e manera propio pa proteha nos autonomia, pa cual semper nos a luch fuertemente. Nos apunte cerca e tiradanan aqur ta: Staten ta propone y gobierno ta decidi di disolve Staten pa pueblo di cidi cu es cambianan cu gobierno quier ta bon berde. PERÓ TA CUAL ES CAMBIO NAN TA? NAN NO A BISA PUEBLO NADA, NAN QUER MAN DA ES PUEBLO BAI VOTA SIN BISA TA RIBA QUICO E MESTER VOTA. CON POR PROBA SI ES CAMBIAMENTU DI STATUUT TA BON OF MALU SI PUEBLO NO SABI DI QUICO TA TRATA? E SEI TA UN EXIGENCIA CU PUEBLO NO POR GULLI TA PA BOBO NAN TIN PUEBLO ANTO? PUEBLO TIN DERECHO DI SABI DI QUICO TA TRATA PROMER CU E BISA SI OF NO. MANERA COS TA BAI AQUI TA COHE NAN QUER COHE PUEBLO CABEZ ABAO! PESEI PUEBLO DI CORSOW WEITA BON QUICO BO TA HACI, PA DESPUES ORA TA LAAT CAÑA LO BO NO MESTER BISA AY SI MI TABATA SABI. PUEBLO DI CORSOW: EI BAO TIN GLAS.

Merca a lanza luna satellite nobo

E ta circula rondo di mundo den 112 minuut. WASHINGTON 27/7: Segun informacionnan preliminar, e distancia di e luna satellite nobo, koe e merricanonan a lanza aqura, ta varda di 300 te 2000 kilometer for di globo. Ta calcula, koe e lo queda 5 anja den su orbita. Su velocidad ta 22.000 te 28.000 km pa ora. E ta circula golo den 112 minuut. Pa medio di un telescoop e por worde observa eventualmente na Corsow, Hawaii y quizas Peru. E satellite ta bisa mas o menos 17.23 kilo. E ta e satellite mas pisa, koe e merricanonan a lanza te ainda. El a worde lanza pa medio di un proyectil di tipo "Jupiter-C" di ehercita merricano. Actualmente e circula cuater luna artificial rond di globo, esta tres merricano y un di Rusia. E ultimo aki tin dimensionnan gigantesco compara koe esnan merricano.

THREE BAYS LINE WEEKLY SERVICE FROM MIAMI DIRECT TO ARUBA

At the lowest freight rates Sailing date every Friday from Miami Arriving Aruba every Tuesday with "COTTON BAY" "JACKS BAY" "WINDING BAY"

Agents: Jan Bodegom & Co. (Aruba) Inc. Telephone No. 1284 - 1402



MASHA PABIEN CU BO DIPLOMA! Y AWOR BO TA BAY STUDIA NA HULANDA

Ma mantene e contacto cu Aruba. Pesei regala bo junan un CAMERA pa nan bay cuné.

un CAMARA VOIGTLANDER

Facil pa usa - semper bunita portret di Europa cerca bo na cas.

Prijnsnan di Fl. 75.- pa riba

Informacion sin ningun obligacion na

ODUBER - KAN. N.V.

Nassastraat - Oranjestad

Leso ARUBAANSCH COURANT y keda na altura di ultimo noticianan!

PAGINA TRES

Heinekens A Gana High Life Cinco - Cuatro

(Di nos sportreporter)

ORANJESTAD: — E cerveceran Heinekens a logra interesante victoria ariba e cerveceran di High Life, y permiti Amstel keda na promer lugar atrobe cu un solo derota. Heinekens como team visitante a habri cu R. Hodge na segunda base cu a ricibi base por bolas door di e pitcher-sita Wilson. Cu corredor na primera A. Escalona ta tuma posesion den coha di bateadores pa conecta un two-base ariba e promer lanzamiento di Wilson. Dos homber na base, segunda y tercera occupy, e catcher Patterson ta ricibi panche y ta cai como promer out.

Primera base di Heinekens C. Jack ta ricibi base por bolas y Heinekens ta coloca homber na tur tres skina cu un solo out. Situacion dificil pa e pitcher Wilson, Wallace Peters ta bin na bate pa Heinekens y despues di dos strike na su cuenta ta alza un globito facil na man di Ramon Buckley pa e segundo out, y di tres out cai ariba e lanzamiento conecta pa Peters pa sorprende Jack na primera pa doble play. Ceru carreda pa Heinekens cu a amenaza peligrosamente den e promer entrada di e partido.

Cerrada di promer inning Schotborg ta inicia e tanda di bateadores y ta ricibi panche ariba lanzamientos di e pitcher Duinker di Heinekens. Segunda base Ramon Buckley ta sali out numero dos pa e via 63 di short pa primera. Simeon Bryan ta embasa ariba error di tercera base. Cu corredor na primera dos out. Monnat ta hira tres out cu un rolling pa tercera cu ta fildeja impeccablemente pa primera.

Entrada di segundo inning e juvenil H. Blijden center fielder di Heinekens ta bati un incogible ariba segunda base y despues ta roba segunda. Short stop Lynch ta ricibi panche pa out numero uno. Tercera base Bryson (Sam Langford) ta fly pa segunda pa out numero dos. Pitcher Duinker ta ricibi panche for di su colega Wilson pa out numero tres. Un hit, un robo de base, dos panche pa ceru carreda.

Cerrada di segundo inning, primera base Gladman, tercera base Fingal y center fielder Croes ta sali out a pasos de conga. Dos innings completa y e partido sin anotaciones. Pa Heinekens segunda Hodge ta inicia e tanda y ta sali out pa e via 63 cu un rolling suave. Escalona ta sigui y ta ricibi un pelotazo na su brazo y ta embasa. Patterson ta bin na bate y ariba e promer lanzamiento di Wilson. Escalona ta sali cu robo pa segunda pero ta sali out pa e via 26 di catcher pa short. Dos out y Patterson cu un strike na su cuenta, ta bati despues di dos strike y tres bolas un alto palo pa center cu ta pone Croes comete error pa asina e embasa. Jack ta out numero tres cu un tiro perfecto di tercera pa primera.


Conclusion di tercer inning, catcher Kersout ta embasa pa error di tercera base cu a tira sumamente habto. Kersout ta roba segunda y pitcher Wilson ta ricibi base por bolas. Dos homber na base sin out Schotborg ta sacrifica pa avanza e corredor na segunda y tercera. Kersout ta anota ariba error di short stop Lynch. Buckley ta ricibi base por bolas y Simeon Bryan ta conecta e promer hit di High Life pa impulsa un carreda mas pa dos. Catcher Patterson ta pifa y Bryan ta yega tercera base. Monnat ta sali out cu fly pa left y Gladman ta out di pitcher a primera pa completa tres. Tres innings completa y High Life ta ariba tres carreda.

Pa inicia inning numero cuatro Wallace Peters ta drenta batting box y ta lanza un globito di foul cu ta worde arropa pa catcher Kersout pa out numero uno.

H. Blijden centerfielder di Heinekens ta conecta su segundo hit doblente ariba short stop su cabez y ta yega tercera ora cu Croes ta comete su segundo error. Un out corredor ariba tercera. Lynch ta sali out como numero dos. Philip Bryson ta conecta e segundo two-base den e inning pa impulsa e promer carreda di Heinekens y Duinker ta sali out pa e via 53 di tercera pa primera. Tres innings y mei y e score High Life tres y Heinekens uno.

Cerrada di cuarto inning ta cai a pasos de conga pa High Life ora cu Fingal ta ricibi panche. Croes ta foul fly pa catcher, y Kersout ta ricibi panche.

Quinto inning, y manera e decir "no hay quinto malo" Heinekens ta bati ariba cu un carreda ora cu nan ta anota tres bina pa cambia e score na nan favor di cuatro pa tres, di tal forma: Hodge ta inicia e quinto y ta ricibi su segundo base por bolas. Escalona ta embasa pa error di pitcher, y Patterson ta conecta un sencillo entre short y tercera pa impulsa dos carreda y tres e partido na un empate. Jack ta sali out numero uno di pitcher a primera. Wallace Peters ta conecta sencillo y Patterson ta drenta cu e carreda di desempate. Cambio pa High Life y Wilson ta ser reemplaza pa Sanchez cu ta drenta como nuevo lanzador pa High Life. Sigl lesa riba pag. 4



TELEFOONSTANDAARDS ARENDS AGENCIES Tel. 1478 NOBO NOBO NOBO Nassastraat 34 Nos a caba di ricibi cu "Artemis" Un coleccion di mas moderno di panja florin y panja di rasel, den tur color, tambe pa mucha. Bin mira nos panja borda nobo.

Cumpleaños feliz

PA CORTESIA DI KAN E MEHOR CAS DI REGALO



Hopi felicitacion ta bai pa Roli Stati kende ta celebra su promer aniversario awe pa parti di su muma, tata, rumannan, padrino Esteban madrina Evarista, Maria, demas familia y conocirnan, pa Bonaire y Corsoua.

Maria Haseth ta celebra su 16 aniversario awe y e ta ricibi hopi felicitacion di su muma, tata, 8 rumannan, amiganan, Olivia, Bertha, Rufina, Mamerta, especialmente di Luis Sanchez.

Pablo Jose y su ruman Wilfred ta celebra nan cumpleaños awe y nan ta ricibi hopi felicitacion di nan muma, tata, ruman, welo, wela, prima y primonan, especialmente di nan mester di school.

CADA REGALO TA BONINI PERO DOBEL BONINI TA Us REGALO compra orka KAN

Tambe ta ser felicita awe Leonardo Figaroa kende tambe a celebra su cumpleaños pa parti di su esposa Johana, junan, rumannan, estimada mama y demas familiarnan.

Awe ta celebra su 5 aniversario Christina Martha y e ta ricibi hopi felicitacion di su muma, tata, welo, welanan, orno y tantanan, primo y primanan, padrino y madrina.

Awe ta celebra su dos aniversario e gracioso chikita Edwin Marcolino Leest y e ta ricibi hopi felicitacion di su tata, muma, ruman Lidia, welo y welanan, orno, tantanan, prima y primonan, especialmente di su amiguonan Ruben de Cuba y Betty Geerman, familia Leest y Farro.

Chesterfield ta logra tercer victoria derrotando Sta. Cruz Starst 16-2

(Di nos Sportreporter)

ORANJESTAD. — Diabiernes anochi den Wilhelmina Stadion sin dificultad, Chesterfield a bati enormemente pa propina Santa Cruz Stars un derrota cu anotaciones di 16-2. Chesterfield semper un team peligroso apesar di a logra solamente tres victorias dag e campeonato actual. Diarazon anochi nan lo enfrenta nada menos cu Amstel cu ta ocupando e promer puesto di e estadistica.

Interrupcion di Corriente

Electriciteit Maatschappij "ELMAR" ta participa cu pa motibo di reparacion necesario, corriente lo worde interrumpi Diamars 29 di Juli 1958 di 8'or te 4'or

den vecindario di Oranjestad. Tarabana - Potrero - Guyabastraat Kashustraat - Kadushistraat - Citroenstraat - Dadelstraat - Lamoenchistraat - Kenepastraat - Mangastraat - Manzanillastraat - Mispelstraat - Milonstraat - Shimarukstraat - Tamarijnstraat - Amandelstraat - Papayastraat - Larahastraat - Rondweg. N.V. ELECTRICITEIT - MAATSCHAPPIJ "ARUBA"

Oduber & Kan inc. Opticians tel. 2193 TA PRESENTA Un amor cu trastorno

Pa TUYUCHI No. 13 carga su bolo trece mesa, cual tabata un obra maestra y cu un orgullo pa su arte, cu tabata en realidad un preparacion unico el a queda ta contempla cu masha alegria admiracion di e huestadnan pa su trabao. "Unda baron y Senjora Bennett ta?" "Mi ta quiere cu nan ta huingando carra", e domi a responde. "No", m'a responde. "Nan ta sintando basta rato caba bao di e plu di mispel riba e campo di gras. Mi bai yama nan?" "Como no. Y ta bira laat caba y e thee ta fria." "Prome cu mi por a hanja ocasion di lamta para cu m'a tende steman di parti p'f'ora. Y un rato despues e pareja a canna drenta." "Imediatamente ora cu m'a mira nan cura, mi tabata sa ta quico a pasa. Aurora su color tabata ardiente maner a rosa, mientras mi tata a hala un stul p'e sinta tira." "M'a comprende tur cos unbez, pero como nan no a bisa mi nada, mi tampoco no a puntra nan nada." "Te ora cu nos a come e mitar di bolo y cu Sra Fane a hiza eucha p'e corta e otro mitar, e domi a bisa: "Ta custumber cu mi ruman muhe sa traha su bolo di frambuesa solamente na ocasion di un of otro sucesonan particular, manera un aniversario, bautismo of un fiesta di misa. Pero awe el a haci esai sin ningun motivo particular." "Mi tata a pone su forki abao, el a hiza cara mira Aurora, pero esai cu a hiza cara su bista y ruboriza mas peor ainda.

"Mi digno domi, di esai bo no ta ainda mucho sigur, pasobra awe tambe e bolo aqui a ser traha pa un motivo particular, pasobra un rato pasa aqui Sra. Bennett a caba di acepta mi suplica pa e bira mi esposa."

Un momento tur e presentenan a queda manera mudo di asombro. Wel nan tabata comprende cu esai lo bin tuma luga toch, pero nan no por a pensa cu esai lo tabata asina rapido y aqui mes tambe.

Despues di momento aqui di silencio a resonar awor gritonan di hubilo y alegria y a sigui felicitationnan cordial. "M'a bula lamta corre bai cerca mi tata y a sunchi. Y asina leu cu mi por recorda, tabata pa di prome bez cu mi a sunchi mi tata den mi bida."

M'a spera cu prome cu anja caba Aurora lo a ocupa luga di mi muma definitivamente, pero e muhe aqui tabata di opinion — cu mester a pasa a lomenos un anja prome cu e, por a dicidi na casa. Ta cinco luna sol morto Amos a haci na September.

Mi tabata indigna riba e decision aqui y tabata haci tur su posible pa e cambia idea di e muhe aqui.

Pero maske cu riba otro puntonan e tabata masha caible, sin embargo riba e punto aqui e no quier a move.

Tur loque nos por a logra di eje ta, pa e baha tres luna foi su termino estipula, de la manera cu nan por a certan nan matrimonio na Juni di anja siguiente.

E termino aqui tabata mucho largo trobe pa mi tata y el a bolje trobe ta cambia su manera anima y alegre pa su sobriedad di custumber.

Mi no ta quiere cu e sobriedad aqui no a ser ocasiona pa via di impaciencia di un adorador fervoroso, pero ta e situacion deplorable cu e tabata hanje den tabata haci asina.

Nos por a compari'e cu un herpe cu ta cerca di muri morto hoga y cu ta spera riba e man pa salbe.

El a conta Aurora algo di su dificultadnan financiera, pero e tabata alavez mucho orgulloso pa el a conta precisamente com grandi su necesidadnan tabata. Si el a haci esaiqui, probablemente e muhe lo a drenta cun'e pa nan casa inmediatamente, pasobra e no tabatin otro manera pa jud'e sin ofende, sino solamente ora cu e casa cun'e.

Y ta pesai, obliga pa, situacionnan insostenible, obligatoriamente mi tata mester a tuma pasonan contra su bolidad, haciendo fianzanan cu e hacienda

Pa avisa y tur correspondencia pa Aruba...

AGENDA Diabuna 28 di Juli CINE DE VEER 8:30: The Brave One REALTO 8:00: Aqui Estan los Aguilares PRINCIPAL 8:00: Slightly Scarle AURORA 7:30: Konga Roja SAVANETA 7:30: La Noche es Nuestra

TAORO - MANGO juice

RADIO KEIKBOOM 11.30 Musica varia 12.00 Luchmuziek 12.25 Nieuwsberichten (Veld Store) 12.45 Musica Norteamericana 12.55 News in a Nutsbali (Viana) 1.00-1.30 Musica varia 4.00 Rancheras 4.30 Musica varia 5.00 Padu del Caribe 6.00 Boleros 6.15 Cumpleaños feliz 6.30 Dinermuziek 6.45 Charla deportiva 7.00 Noticias (Pap) di Schlitz 7.15 Musica varia 7.15 Musica varia 7.45 Nieuwsberichten (Veld Store) 8.00 Musica Norteamericana 8.15 Cuando la Noche Ca 8.30 Musica varia 9.00 Peticiones 9.30-10.00 Musica varia

AIR CONDITIONING

RADIO CARACAS TELEVISION Canales 2, 7 y 10 7.15 Marcha oficial 7.20 Informacion sobre los programas del dia 7.30 Lo de hoy 9.30 Pehuela 11.00 Cita a las once 12.00 Show de las doce 1.15 Novela Palmolive 1.30 Noticiero del mediodia 2.00 Pelicula 4.00 Club femenino 5.00 Cosas de mujeres 5.30 La perfecta ama de casa 6.00 Circo en el aire 6.15 Cisko Kid 6.45 Encuentro con la vida 7.00 Frijolito y Robustiana 7.15 Novela Unico 7.30 Yo quiero a Lucy 8.00 El Observador Creole 8.15 Anecdótico 8.45 Puerto Azul 9.00 Novela Carnay 9.15 Novela I & M 9.30 Premios y ritmos musicales 10.15 Teatro del lunes 11.15 Marcha oficial.

MESKER ta drecha ni MUEBELNAN

TA BENDE Un Liftvan Un Tapit Baby Comode (mies pa baby) Cama di baby Un ledikant marca ingles pa dos persona cu matras SAVANETA 420

Advertisement for Custom Super-Cushion tires. Includes image of a car and text: "Endures Punishment", "Stops Quicker", "Twin Grip Tread", "GOOD YEAR Viana Auto Supply & Trading Co."

EL CISCO KID



Net e sheriff ta jega ora Gatillo ta banda di e morto di Yanez y sigur nan ta kere cu ta e mate. Pero e ta bisanan, bosonan ta equivocata, ami no a mate. E sheriff ta bisa ni ta pa bo mes defensa bo a hasie.

Le bo mester parce dilante di tribunal. Pero e otro hendenan cu a bini huntu cu e sheriff no ta gusta asina y nan ta bisa, no nos mes ta huzge. E caso ta masha ela.

Heinekens a gana.....

Continuacion di pag. 3 E ta enfrenta H. Blijden cu ta sali out cu un rolling pa segunda cu ta fildea impecablemente pa primera pa out numero dos, Yynch un bisha mas ta ricibi ponche pa out numero tres. Cerrada di quinto Duinkerck ta enfrenta cuatro bateadores di High Life. Sanchez ta bin na bate y ta ricibi ponche numero cinco di Duinkerck. Schotborg ta bati rolling pa short esaki ta fildea pa primera pa out numero dos. Buckley ta ricibi base por bolas su segundo, y Bryan ta logra su segundo hit di e partido y Monart ta ricibi base por bolas y High Life ta amenazando peligrosamente cu tres en bases. Cu bon oportunidad Gladman ta sali out cu un roletazo pa segunda cu ta fildea rapidamente pa primera pa kibra un amenaza di High Life. Cinco innings completo y Heinekens ta aventando High Life cu e diferencia di un carrera: cuatro pa

tres. Philip Bryson ta habri sexto inning y ta embasa pa error di short stop Bryan. Ariba e promer lanzamiento di Sanchez pa Duinkerck cu ta sigui Bryson, esaki ta sali di robo pa segunda y ta yega safe. Duinkerck ta saca un toque pa avanza Bryson na tercera y ta sali out pa medio di sacrificio di pitcher a primera. Hodge ta bati pa double play cu un rolling pa primera cu ta pisa y ta tira rapidamente pa Catcher Caster cu a drenta den sexto inning na lugar di Kersout pa saca Bryson out na home ariba su intento. E promer dos outnan ta cai rapidamente pa High Life den cerrada di sexto inning ora cu Fingal ta ricibi ponche y Croes ta sali di e mes un forma, cu ponche numero seis di Duinkerck. Cu dos out catcher Caster ta ricibi base por bolas, y Sanchez ta bati un sencillo pa hit numero tres di High Life despues di seis innings.


ya cu Caster cu a roba segunda y a avanza pa tercera y a worde sorprenden den un corre y corre entre catcher y tercera base. Seis innings completo y Heinekens ta sigui ariba cu e diferencia di un carrera: cuatro pa tres. Septimo sortario Escalona ta ricibi base por bolas y despues ta roba segunda. Patterson ta embasa pa fielders choice ora cu Escalona ta sali out na tercera. Patterson tambe ta roba segunda, y Jack ta out numero dos di tercera pa primera. Wallace Peters ta baci sencillo ariba segunda base hit numero seis di Heinekens, avanzando Patterson na tercera. H. Blijden ta fly pa center pa out numero tres; Septimo sortario ta cai rapidamente pa High Life den pasos di conga; Schotborg ta ricibi ponche, numero siete di Duinkerck. Buckley ta foul fly pa catcher, y Bryan ta marca ponche numero ocho di Duinkerck.

segunda pa tercer out. Ocho innings y medio y Heinekens a bolbe bai ariba cu un carrera di diferencia, e score Heinekens cinco High Life cuatro. Ultima oportunidad pa High Life y esaki ta amenaza peligrosamente despues di e promer out ora cu Swaen a drenta como pinch hitter pa Sanchez y a fly pa segunda. Schotborg ta logra su promer hit di e partido, un double. Buckley ta ricibi base por bolas. Bryan ta ricibi base por bolas, y High Life cu un solo out, tin tres homber na base. Monart na bate y ta fly pa primera pa segundo out. Gladman na bate ta bati foul fly na man di primera base pa out numero tres, y termina e partido cu un victoria pa Heinekens cu anotaciones di cinco pa cuatro. Pitcher ganador: Duinkerck, pitcher perdedor: Sanchez. Asina Heinekens a logra nan segundo victoria di e campeonato y High Life nan segundo derrota.

Air Condition your home

Desde cinco innings pariba ya e emocionante pa ambos team su actuaciones. High Life ta ricibi e pasos de Conga pa Heinekens ora cu tres out ta cai rapidamente den octavo pa Heinekens di siguiente forma; Lynch ta sali out numero uno, Bryson ta fly pa left, y Duinkerck ta poncha. Ponche cinco realiza pa pitcher nan di High Life, cuatro di Wilson y uno di Sanchez. Cerrada di octavo semper cu Heinekens den ventaha di un carrera. Monart ta sali out pa e via 63. Gladman ta bati un tubeyote y ta anota cu e carrera di empate ora cu pinch hitter Paus Ruiz ta drenta y responde cu un sencillo entre segunda y primera. Croes ta foul fly na man di catcher pa out numero dos y Caster ja sali out di pitcher a primera. Ocho innings completo y e partido ta cuatro carreras por lado. Den inicio di noveno. Hodge ta ricibi su tercer pasaje gratis y Heinekens ta coloca e carrera di desempate ariba primera. Escalona ta bati pa short kende ta fildea impecablemente pa primera pa saca e promer out. Promer cu e hugada ey Hodge a roba segunda, si no tabata asina por tabata e double-play facil. Un out y Patterson ta foul fly na man di catcher pa out numero dos. Manager Ruben Philips di Heinekens ta yama Hudson como pinch hitter lugar di Jack, esaki ta responde cu un sencillo pa anota Hodge for di segunda cu e carrera di desempate. Wallace Peters ta fly pa

TIVOLI 37 ANJA



E siman di festa pa motibo di celebracion di 37 anja di existencia di Tivoli Club a worde termina Diasabra cu un baltia grandi. E anochi aki major G. P. Glesberhts, commandant di mariniers na Savaneta, a entrega presidente A. G. Th. Arends un plaqueette como gratitud di oficialnan di mariniers cu semper a worde bon ricibi den e club aki. Riba e foto nos ta mira e momento cu major ta entrega e plaqueette.

YOU CAN BE SURE..IF IT'S Westinghouse AIRCONDITIONING from NEME'S

LO BO TA CAPAS DI HACI HOPI COS!!! Na e momento cu bo instala un AIRE ACONDICIONADO den bo kas, lo bo sintibo un otro hende. Lo Bo tin mas energia - Bo ta sosega mihor - Bo ta biba mucho mas alegre. Informa serka Bo amigonan cu tin AIRE-ACONDICIONADO - Informa serka Bo dokter. Berdad: AIRE ACONDICIONADO ta bon pabo tambe! Pa informacion tocante tarifa: Si Bo ta fabricando un kas, instalá un AIRE ACONDICIONADO Bo kas lo bal mas, i lo Bo spaar placa.



E foto aki di e lider di rebelde nan Irak Abdel Kerim el Kassim a worde saca pa un curant Syrio. Ela dirigi e lucha cu a culmina den tumamento dje gobierno di Rei Feisal y su flo, Principe Heredero Abdul Illah, kendenan dos a worde asesina durante dje lamantamento.

Regalo di Carnavalscomite na Milda I



A-ora malin Central comite di carnaval a entrega na Reina di Carnaval di Aruba pa anja 1958, Milda van der Linden cu partipia como Miss Schlitz un recuerdo den forma di un hunita aparato di television marca „Zenith“. Riba e foto nos ta mira Di robes pa drechi, runner-up Amelinda Hiltz, Milda van der Linden, tijd. gezaghebber E. Arends; Cappy Lae, presidente di carnavalscomite y Rina Benschot, kende a sali no. 3 durante eleccion pa reina di carnaval.

Ultimo reunion di Reinanan di Carnaval masha anima den Commandeursbaai Club Aparato di television pa Reina di 1958


ORANJESTAD: — Ayera mainta den Commandeursbaai Club na Savaneta tabatin un reunion masha anima, cual a la vez ta termina celebracion dje carnaval pa anja 1958. Tur e reinanan y otro nan cu a partipia den e parada cu a gana premio, a ricibi nan premio ayera mainta riba invitacion di Carnavals comite den e club. Afortunadamente ta unicamente cinco reina y algun parandantenan keda sin presenta; di moda cu e club tabata bon jen. Entre reinanan nos ta mira e reina di carnaval di Aruba 1958, Milda v.d. Linden, kende a partipia como Miss Schlitz, despues nos ta mira su runner-up Amelinda Hiltz di Tivoli Club, y no. 3 Rina Benschop di Club Surnam, Alcida Werteman di Club Estrella, Joan d' Abreu di Lago Heights Club, Angelica Thiel di Trappers Club di Santa Cruz, Rosario de Cuba di Heinekens, Frieda Wiersma di Club Watapana, Lydia Bislick di Viceroy y Nicomeda Almayr di Commandeursbaai Club. Masha sympathico di hunda di tijd. Gezaghebber cu e la hanja un rato ocasion pa presenciar na e festa aki. Tambe nos ta mira — ma ta cla — Prins Carnaval Reginald I y su Panchu.

Para dilanti di un mesa, carga di regalo, copas, albums di portret, cartonnan jen di bebida i hopi otro cos mas, presidente dje central carnavals comite, ta habri e fiesta cu un speech cu ta duna desculpa pa motibo cu te awor noma nan ta parti e premio. E ta declara cu tabatin barios dificultad den caminda cu a trese tanto tardanza den e asunto aki. Despues e ta relata con e fiesta di carnaval di e anja 1958 tabata un exito, e ta masha satisfeco. Un diferencia tin cu e comite e anja aki tabatin hopi mas gasto pa paga. Nan a acepta tur e regalacion for dje comerciantenan, pero e bisha aki nan a dicidi di paga e artistanan local pa nan presentacionnan. Asina ta sosede cu entrada nan e anja tabata mas hopi y a jega te na fl. 6.000.—, pero regalacion a hiba mas di mitar dje suma aki, mas gasto pa trahamento dje podio, administracion, anuncio y otro mas gastonan. Senor Lae ta splica cu e anja aki nan mester a economisa masha hopi pa hini cla, y ta spera cu nan lo hanja mas ayudo di ehandbestuur pa kende e atraccion di turismo ta algu valeroso, y te cu awor no a haci mucho pa celebracion di carnaval. Di presencia di tijd. Gezaghebber senior E. Arends, kende antes mes tabata presidente dje comite di carnaval, senior Lae ta probaba di haci bon uso, di pidie pa e yuda pa haci tanto posibel pa ehand aumenta e subsidie algu mas pa celebracion di fiesta di carnaval. Despues di a gradici varios instancianan manera ASU, directiva di Lago Sport Park, y otro nan, pa nan gran cooperacion y ayudo, ta jega e momento di entrega e premio. Eual special pa miss Milda a trese tal di sorpresa. Nos Reina no tabatin basta man pa carga e regalacion cu e la hanja, y e oportunidad pa carga ta bira menos ora cu Central Carnavals Comite ta regala e televisor „Zenith“. Un otro regalo hunita cu e la hanja ta un holoshi di man marea Gerard Perreque, cual ta un obsequio di senior Leo Berlinski. Despues di partimentu dje regalacion cu a tuma algun tempo pa e gran

Peronistanan a rendi tributo na Eva Peron. Na ocasion di aniversario di su morto. BUENOS AIRES 27/7: Miles di peronista a rendi tributo ayera na Eva Peron na ocasion di aniversario di su morto. Polis mester a haci uso di gas lacrimogeno pa dispersa demonstradornan. Den provincia di Buenos Aires e peronistanan a larga lesa 60 misa pa Eva Peron, difunta esposa di ex-dictator Juan Peron di Argentina.

IK HEB TREK IN — "OUDE VLEK" — jenever, geïmporteerd door Fa. JAN C. LACLE Tel.: 1048

PEPITA Por CHIC YOUNG



Paco ta para na caja ta grita Cuqui, mi a lubida mi scopet automatico, bente door di bentana pa mi. Lorenzo cu ta den cas ta tende kiko Paco ta pidi Cuqui hasi, y e ta sali pa e weta ta kiko ta pasa. Mientras e ta bisa, e no mester pidi Cuqui tira e scopet tan caro asina di bentana balto riba caja. Pero pover Lorenzo, net e la saca su cabez for e segindo bentana, y Cuqui na e tercer bentana a laga e scopet cai net riba cabez di e pover tata. E ora ei Lorenzo a weta strea su dilanti, y Paco na joramento pasabra ora e scopet a cai riba cabez di Lorenzo e la kibra. Awor despues cu Pepita a verband Lorenzo su cabez ata nan ta tende batimento na porta. Ta tata di Paco a bin reclama cu Lorenzo a kibra su jiu su scopet.